



**INSTITUT ZA INTELKTUALNO VLASNIŠTVO
BOSNE I HERCEGOVINE**

**ИНСТИТУТ ЗА ИНТЕЛЕКТУАЛНУ СВОЈИНУ
БОСНЕ И ХЕРЦЕГОВИНЕ**

Institut za intelektualno vlasništvo Bosne i Hercegovine u saradnji s projektom „EU Podrška pravima intelektualnog vlasništva“ poziva studente i učenike srednjih škola, kao i sve druge građanke i građane, državljane BiH, da se prijave na

JAVNI KONKURS

za vizuelni i/ili tekstualni prikaz teme „Žena i intelektualno vlasništvo: Unapređenje inovacija i kreativnosti“

Svjetski dan intelektualnog vlasništva obilježava se 26. aprila svake godine sa ciljem podizanja svijesti o ulozi koju prava intelektualnog vlasništva imaju u poticanju inovacija i kreativnosti. Ove godine naglasak je na ženama u kontekstu unapređenja inovacija i kreativnosti.

Ženska inovativnost i snalažljivost oblikovali su naš svijet generacijama. Širom svijeta, žene unapređuju nauku, stvaraju nove umjetničke trendove, otvaraju poslove i mijenjaju svijet.

Uzbudljiv trend se uočava u Bosni i Hercegovini u preduzetničkom start-up ekosistemu gdje je uloga žena porasla u posljednjih nekoliko godina. Žene su sada na ključnim pozicijama u ekosistemu.

Svjetski dan intelektualnog vlasništva 2023. prilika je za slavlje svih talentovanih žena širom svijeta - žena pronalazača, kreatora i preduzetnica koje žele saznati kako prava intelektualnog vlasništva mogu podržati njihove poslovne ciljeve.

Sa ciljem obilježavanja Svjetskog dana intelektualnog vlasništva u BiH, pozivamo vas da učestvujete u javnom konkursu. Radovi trebaju na kreativan i inovativan način ilustrovati temu „Žena i intelektualno vlasništvo: Unapređenje inovacija i kreativnosti.“

Radovi se trebaju dostaviti isključivo u digitalnom formatu bez obzira na medij i tehnike korištene tokom produkcije rada. Samo radovi u digitalnom formatu, bilo da je riječ o crtežu, slici, grafici, kolažu, skulpturi, fotografiji, instalaciji, videu, tekstualnoj priči, digitalnoj umjetnosti ili grafičkom dizajnu, biće uzeti u razmatranje.

Radovi se, uz popunjen prijavni obrazac, koji je sastavni dio ovog poziva, šalju elektronskim putem u periodu od 2. 3. do 12. 4. 2023. na sljedeću e-mail adresu: **ipday2023@ipr.gov.ba**

Kriteriji rada:

- autori trebaju imati sva prava nad radom, i u slučaju da koriste sadržaj treće strane trebaju imati njihovo odobrenje;
- vizuelni radovi ne smiju imati vodeni žig ili slične oznake.

Zainteresovani učesnici na konkurs dostavljaju rad u digitalnoj formi koji zadovoljava sljedeće tehničke uslove:

Vizuelni rad:

- rezolucija 300 dpi, veličina duže stranice najviše 20 cm, format JPEG, kvalitet 10, maksimalna veličina slike 2 MB. Fajl imenovati: Prezime_Ime ili Prezime_Ime_naziv_rada.



**INSTITUT ZA INTELEKTUALNO VLASNIŠTVO
BOSNE I HERCEGOVINE**

**ИНСТИТУТ ЗА ИНТЕЛЕКТУАЛНУ СВОЈИНУ
БОСНЕ И ХЕРЦЕГОВИНЕ**

Pisani tekst:

- do dvije kartice teksta (pod karticom teksta se podrazumijeva 1.800 znakova sa razmacima), font Times New Roman, prored 1.5, font 12.

Video:

- MP4 format, dužine od 30 do 90 sekundi;
- uz video dostaviti i transkript videa.

Svaki učesnik može kao pojedinac poslati jedan rad i može konkurisati sa još jednim radom kao dio grupe autora. Kada konkuriše grupa autora, jedan koautor podnosi prijavni obrazac i on u daljoj komunikaciji zastupa grupu autora. Na konkurs se mogu prijaviti samo originalni radovi koji ranije nisu javno publikovani.

Na konkurs se mogu prijaviti svi građani BiH, koji su na datum zatvaranja ovog poziva (12.4.2023.) starosti između 18 i 35 godina.

Napomena: Uposlenici Instituta za intelektualno vlasništvo Bosne i Hercegovine, kao i članovi njihovih užih porodica, odnosno osobe koje su povezane sa organizacijom konkursa nemaju pravo učestvovanja.

Odlučujući faktor u odabiru radova biće uspješno artikulisanje tematike i vizuelnog sadržaja, inovativnost i umjetnički kvalitet radova.

Žiri će biti sastavljen od 3 uposlenika Instituta za intelektualno vlasništvo Bosne i Hercegovine.

Žiri će dodijeliti tri prve nagrade (tri tableta). Nagrade će biti uručene na događaju obilježavanja Svjetskog dana intelektualnog vlasništva 26.4.2023. u Mostaru.

Odluka o nagrađenim radovima biće objavljena najkasnije do 22.4.2023. godine na web stranici Instituta za intelektualno vlasništvo Bosne i Hercegovine www.ipr.gov.ba